

Monday, August 4, 2025

Time - 2:30pm - 2:35pm

AKASHVANI AIZAWL

REGIONAL NEWS UNIT

SHORTAGE OF ESSENTIAL COMMODITIES

Mizoram chak lakluhna kawngpui Kawnpui leh Sairanga inkar kawng chhiat avanga lirthei tlan theih loh avangin nitin mamawh a vang tawh hle a, khawsak phung a nghawng buai tawh hle.

Akashvani Aizawl zawhna chhangin, wholesale dawr leh eichawp dawr kai hrang hrangte chuan bungraw lak tur a vang tawh hle tih an sawi a, abikin bawngnhnute chu kar 2 vel lak tur a awm tawh lova, Amul leh Nestle products bakah tel, dal, chini, buhfai, biscuit , lays, butter, coffee powder leh bungraw dang te pawh lak tur a vang chho tawh hle tih an sawi a, pick up truck hmangin kar 2 chhung velin bungrua vawikhat a thleng ve leh zeuh thin tih sawiin, tuna an bungraw stock sa tlemte bak chu lak belh tur a awm tawh meuh lo tih an sawi a ni.

Eichawp Dawr neitu Pi Rinpuii chuan Guwahati atanga bungrua direct a la an nih thu sawiin, kawngchhia avang hian bungraw phur lirthei te chu tunhma a an tlan thinna man aia sang pawhin an tlan duh tawh lo tih a sawi a, July thla tira bungrua an lakluh bak chu bungraw lut a la awm leh mang lo tih a sawi.

Byte: Pi Rinpuii

Eichawp dawr bakah hian insakna hmanraw zawrhna dawr te, damdawi dawr te pawhin kawngchhiat hnua an distributor te hnen atangin stock lak tur a vang tawh hle a, mipui mamawh bungrua leh damdawi awm tawh lo a tam tawh thu an sawi a. Thingpui dawr neitute pawhin bawngnhnute leh tel lei tur a van avangin eitur siam kawngah harsatna an tawh chho mek tih an sawi a ni.

Lirthei hmanga eizawng, two-wheeler leh four wheeler taxi driver te pawhin kawngchhiat avanga petrol lak tur mumal a awmluh avangin harsatna an tawh mek tih an sawi a, petrol la tura hun rei tak tak intlar a ngaih thin avangin passenger tam tak an hloh phah thin tih an sawi a, petrol pump thenkhatah coupon chauha a lak theih avangin coupon an nei ve lova, petrol black a zuar ten an an ti to a, an lei ve ngam loh avangin harsatna an tawh mek tih an sawi a, petrol chu a bura lei phal lo se, lirthei tanky daih chauh lei phal thin se an tih thu an sawi a ni.

Byte: two- wheeler taxi driver

College leh University zirlai thenkhatte bakah school naupang hruaitu nu leh pa thenkhatte pawhin petrol vang chuan nunphung a tihbuai thu an sawi a, petrol duh duh huna lak tur awm lo leh a lak theih huna rei tak tak intlar a ngai chuan an hun a heh hle a, an tihtur tam tak an thulh phah a, an kalna turah te an tlai phah tih an sawi a, hetihruah hian mipuite chuan an lirtheia leng bak chu petrol chhekkhawl tum thin lo se, chatlak awm lova petrol lak tur a awm reng an rin thu an sawi bawh a ni.



MSO PICKETING

Mara Students Organisation chuan Siaha District-a Education Department hnuaia hna hrang hrang 158 lak chungchangah tun thlenga result a chhuah loh avangin vawiin khan lungawilohna lantir nan Siaha District Education Office leh DPC Samagra pisa kai tur an dang.

Mara Students Organisation thuchhuah tarlan danin May ni 7 leh May ni 16 inkara interview buatsaih tawh Education Department hnuaia hna hrang hrang 158 lak tura ruahman chu sawrkarin a tihfel har avangin Education Minister hnenah ngenna vawi engemaw zat an thlen tawh an ti a, Minister chuan an ngenna chu August ni 1 hma ngeia chinfel a tiam tih sawiin tun thlengin thu lawmawm hriat tur a awm loh avangin Siaha DEO leh DPC Samagra Shiksha pisa kai tur an dang tih an sawi.

Thuchhuah tarlan danin MSO chuan an ngenna tih hlawhtlin anih hma chu lungawilohna an lantir tur thu an sawi a, MSO hruaituten Akashvani palai an hrilh dan in District Project Co-ordinator, Samagra Shiksha, Siaha hnuaia Early Childhood Care and Education (ECCE) Helpers leh hnaruak hrang hrang 158 hnawh khahna tur May thlaa interview neih tawh chu result chhuah vek tawh mahse Village Council By- Election in a barred avanga cancel leh chu tun thleng a result an la chhuah leh loh avangin leh hemi chungchang ah Mizoram Education Minister Dr.Vanlalhlana hnen ah vawihnih lai lekha thawn hmanga an zualko tawh hnu pawh a hmalakna ala awm lo chu hriat thiam harsa an tih thu sawiin sawrkar lam atanga thu lawmawm an dawn hma chu lungawilohna an lantir dawn tih an sawi bawk.



PRESIDENT, PM EXPRESS GRIEF

President Droupadi Murmu, Prime Minister Narendra Modi leh sawrkar mi pawimawh hrang hrang ten Jharkhand Chief Minister hlui Shibu Soren thihna chu pawl an tih thu an sawi.

President Droupadi Murmu chuan Pu Soren thihna chu pawl a tih thu sawiin Jharkhand state a hnam hnuaihnung zawk te tana a inpekna chu ropui a tih thu sawiin, mi rethei leh hnuaihnung zawk te tan a hnathawhte chu hriatreng anih tawh tur thu a sawi.

Prime Minister Narendra Modi pawh in Jharkhand Chief Minister hlui chu mipui te tan a inpe leh vantlang tana thil tha tam tak ti tu anih thu sawiin, mirethei leh hnuaihnung zawk te hamthatna tur kawng a sial nasat thu a sawi bawk.

Defense Minister Rajnath Singh pawhin Pu Soren-a thih na chu pawl a tih thu sawiin Jharkhand ram hruaitu hmasa leh mipui te ngaihtuah em em tu a ni a ti bawk.



ROZGAR MELA

Union Minister for Labour and Employment Mansukh Mandaviya chuan vawiin khan Rozgar Mela hnuai ah thla 16 chhungin mi nuai 11 chuangin hna an hmu tih a sawi.

Lok Sabha a zawhna a chhanna ah Union Minister chuan RBI report a alan danin kum 10 kalta chhung khan thlalai vaibelchhe 17 chuangin eizawna an hmu tih a sawi a, kum 5 chhung in hna vaibelchhe 4 chuang siam in Pradhan Mantri Viksit Bharat Rozgar Yojana hnuai ah cheng vaibelchhe nuai 2 chuang ruahman a nih thu a sawi bawk.

